

«ТӘУЕЛСІЗ САРАПШЫЛАР ЖЕР ҚОЙНАУЫН КӘСІБИ БІРЛЕСТІГІ» (ПОНЭН) ҚОҒАМДЫҚ БІРЛЕСТІГІ

ЖАРҒЫСЫ

1-БАП. АНЫҚТАМАЛАР

Осы Жарғыда мына терминдер төменде айқындалған мағыналарға ие болады:

«Қолданыстағы заңнама» - Қазақстан Республикасының барлық қолданыстағы заңнамалық және өзге де нормативтік құқықтық актілерін, сондай-ақ Қазақстан Республикасы ратификациялаған халықаралық шарттар мен келісімдерді білдіреді.

«Жалпы жиналыс» - осы Жарғының 8-бабына сәйкес Жалпы жиналысты білдіреді.

«Атқару Комитеті» - осы Жарғының 8-бабына сәйкес Атқару Комитетін білдіреді.

«Атқару Комитетінің Төрағасы» - осы Жарғының 8-бабына сәйкес ПОНЭН Атқару Комитетінің |Төрағасын білдіреді .

«Хатшылық» - осы Жарғының 8-бабына сәйкес ПОНЭН-нің Хатшылығын білдіреді.

«Жарғы» - барлық өзгерістерімен және толықтыруларымен қоса ПОНЭН-нің осы Жарғысын білдіреді.

«Мүшелер» - ПОНЭН-ді құруға бастамашы болған азаматтар және осы Жарғыға сәйкес кейіннен ПОНЭН-нің мүшелері болған азаматтар, сондай-ақ Жалпы жиналыстың шешімі бойынша шетелдік жеке тұлғалар.

2-БАП. ЖАЛПЫ ЕРЕЖЕЛЕР. АТАУЫ, МЕКЕНЖАЙЫ ЖӘНЕ ҚЫЗМЕТ МЕРЗІМІ

2.1 Осы Жарғы өз қатысушыларының еріктілігі мен тең құқылығы, заңдылық, есептілік және жариялылық негізінде әрекет ететін «Тәуелсіз сарапшылар жер қойнауын кәсіби бірлестігі» (ПОНЭН) заңды тұлғасының қызметін регламенттейді. ПОНЭН орындалуға міндетті тәртіптік рәсімдері бар, өзін-өзі реттейтін тәуелсіз ұйым болып табылады.

2.2 ПОНЭН өз қызметін жүзеге асыру және өз міндеттерін іске асыру кезінде Қазақстан Республикасының қолданыстағы заңнамасын, осы Жарғыны, сондай-ақ қатысушылардың Жалпы жиналысының шешімдерін басшылыққа алады.

2.3 ПОНЭН Қазақстан Республикасының қолданыстағы заңнамасына және осы Жарғыға сәйкес өз қызметін басқа қоғамдық бірлестіктермен, мемлекеттік органдармен және мемлекеттік емес ұйымдармен, сондай-ақ жеке тұлғалармен өзара іс-қимыл жасаса отырып жүзеге асырады.

2.4 ПОНЭН-нің толық атауы:

(а) қазақ тілінде: «Тәуелсіз сарапшылар жер қойнауын кәсіби бірлестігі ПОНЭН» Қоғамдық бірлестігі;

(б) орыс тілінде: Общественное объединение «Профессиональное объединение независимых экспертов недр ПОНЭН»;

(в) ағылшын тілінде: Public Society «Professional Society of independent experts of the subsurface resources PONEN»

2.5 ПОНЭН-нің қысқартылған атауы:

(а) қазақ тілінде: «ПОНЭН» ҚБ;

(б) орыс тілінде: ОО «ПОНЭН»;

(в) ағылшын тілінде: PS «PONEN».

2.6 ПОНЭН-нің заңдық мекенжайы: Қазақстан Республикасы, 010000, Астана қаласы, Есіл ауданы, Достық көшесі, № 18 ғимарат, 17-қабат, № 10 үй-жай.

2.7 ПОНЭН-нің қызмет мерзімі шектелмеген және оны уәкілетті мемлекеттік органда тіркеген күннен басталады.

2.8. ПОНЭН өз қызметін Қазақстан Республикасының аумағында жүзеге асырады.

3-БАП. ПОНЭН ҚЫЗМЕТІНІҢ НЫСАНАСЫ, МАҚСАТТАРЫ МЕН ТҮРЛЕРІ

3.1 ПОНЭН қызметінің нысанасы геологиялық барлау және тау-кен өндіру салалары кәсіпқойларының біліктілігін растау, олардың кәсіптік мүдделеріне өкілдік ету, оларды қорғау және ілгері бастыру мақсатында осы кәсіпқойларды біріктіру болып табылады.

3.2 ПОНЭН қызметінің мақсаттары:

- Геологиялық барлау жұмыстарының нәтижелері, қатты пайдалы қазбалардың минералды ресурстары мен минералды қорларын бағалау туралы жария есептердің стандарттарын Қазақстанға енгізу жөніндегі жұмысқа белсене қатысу;

- KAZRC стандарттарын қолдану және тиісті халықаралық есептілік стандарттарын түсіну мәселелері бойынша консультативтік-әдістемелік және практикалық көмек көрсету;

- ПОНЭН мүшелерінің кәсіптік қызметіне байланысты құқықтары мен мүдделерін қорғау;

- Белгілі бір кәсіпқойлық және практикалық тәжірибе деңгейіне жеткеннен кейін ПОНЭН-нің жаңа мүшелерін қабылдау;

- Тәуелсіз жер қойнауын пайдалану сарапшыларының «ПОНЭН-нің Әдеп кодексіне» сәйкес жоғары әдептік мінез-құлық нормаларын ұстануы болып табылады;

3.3. Жарғылық мақсаттарға қол жеткізу үшін ПОНЭН мына қызмет түрлерін жүзеге асыруға құқылы:

- Қазақстан Республикасында CRIRSCO стандарттарын қолдану жөніндегі жұмыстың прогрессивті тәжірибесін жинақтап қорыту;
 - ПОНЭН-нің жарғылық мақсаттарына қол жеткізу үшін мемлекеттік, үкіметтік және әкімшілік органдармен және мекемелермен, сондай-ақ қоғамдық бірлестіктермен ынтымақтастық орнату;
 - мемлекеттік органдармен келісімдер жасаса отырып, олармен ынтымақтасу және өзара іс-қимыл жасасу және мемлекеттік органдармен шарттар бойынша олар үшін заңнамада көзделген белгілі бір жұмыстарды орындау;
 - тау-кен саласының неғұрлым өткір және өзекті проблемаларын талқылау мақсатында «дөңгелек үстелдер» өткізу;
 - ұсыныстар енгізу және ресми органдармен проблемалы мәселелерді шешу, қолданыстағы заңнамаға оң өзгерістер енгізуге бастамашы болу;
 - ҚР жер қойнауын пайдалану және геологиялық барлау саласындағы түрлі қызмет түрлерін реформалау және жетілдіру бойынша жұмыс жүргізуге қатысу;
 - біліктілікті арттыру жөніндегі курстарды ұйымдастыру, біліктілігі жоғары мамандарды тарта отырып, консультативтік семинарлар мен тренингтер өткізу;
 - Ұйымның баспа өнімін шығару және интернет сайты жүргізу түрінде баспа қызметін жүзеге асыру арқылы ПОНЭН-ді ілгері бастыру;
- Қазақстан Республикасының қолданыстағы заңнамасы тыйым салмаған және осы Жарғыға қайшы келмейтін өзге қызмет түрлерін жүзеге асыру.

4-БАП. ҚҰҚЫҚТЫҚ МӘРТЕБЕ

4.1 ПОНЭН осы Жарғының 6.1-бабына сәйкес мүшелерден тұратын, республикалық бірлестік мәртебесі бар, коммерциялық емес ұйым болып табылады.

ПОНЭН мемлекеттік тіркелген күнінен бастап заңды тұлға мәртебесі мен құқығын алады.

Республикалық ПОНЭН мемлекеттік тіркелген күнінен бастап бір жыл өткенге дейін өз мәртебесін растау үшін ПОНЭН-ді тіркеген органға құрылымдық бөлімшелердің (филиалдар мен өкілдіктердің) аумақтық әділет органдарында есептік тіркеуден өткенін растайтын құжаттардың көшірмесін беруге міндетті.

4.2 ПОНЭН-нің дербес теңгерімі, банктік шоттары болады, мемлекеттік және орыс тілдерінде атауы көрсетілген мөрі, қолданыстағы заңнамаға қайшы келмейтін, белгіленген үлгідегі бланкілері болады.

4.3 ЖТСК-ның қызметі қолданыстағы заңнамаға және осы Жарғыға сәйкес жүзеге асырылатын болады.

4.4 ПОНЭН өзінің міндеттемелері бойынша Қазақстан Республикасының қолданыстағы заңнамасына сәйкес өндіріп алуды қолдануға болатын, өзіне тиесілі барлық мүлікпен жауап береді.

Егер ҚР-дың қолданыстағы заңнамасында өзгеше көзделмесе, ПОНЭН өз мүшелерінің міндеттемелері бойынша жауап бермейді, сол сияқты мүшелер де ПОНЭН-нің борыштары немесе міндеттемелері бойынша жауап бермейді.

4.5 ПОНЭН-нің осы ұйымдық-құқықтық нысандағы заңды тұлғалар үшін Қазақстан Республикасының заңнамасында көзделген толық құқықтық қабілеттілігі болады және ол өз жарғылық қызметінің мақсаттары мен міндеттеріне сәйкес Қазақстан Республикасының заңнамасына және осы Жарғыға қайшы келмейтін кез келген шешімді қабылдап, кез келген әрекетті жасауға құқықты.

5-БАП. ПОНЭН-НІҢ ҚҰҚЫҚТАРЫ МЕН МІНДЕТТЕРІ

5.1. ПОНЭН өзіне осы Жарғыда және Қазақстан Республикасының қолданыстағы заңнамасында берілген құқықтарды алады және міндеттерді қабылдайды.

5.2 ПОНЭН өзіне Мүшелері берген мүлік пен ақшаның, сондай-ақ заңды көздерден алынған кез келген басқа мүліктің меншік иесі болып табылады. ПОНЭН өз мүлкін осы Жарғыда айқындалған мақсаттарға жету үшін пайдаланады. ПОНЭН өзі, өз мүшелері немесе жұмыскерлері үшін табыс табуды мақсат тұтпайды.

5.3 ПОНЭН-нің мүлкі оның Мүшелерінің кіру, жылдық және өзге де міндетті және ерікті жарналарының және осы Жарғының 5.4-тармағында көзделген басқа да қаржыландыру көздерінің есебінен қалыптастырылуы мүмкін.

5.4. Мүшелердің жарналары:

- ғимараттар, құрылыстар, тұрғын үй-жайлар, жабдық;
- ақша, акциялар, басқа да бағалы қағаздар;
- мүліктік және мүліктік емес құқықтар;
- ПОНЭН-нің қызметіне қажетті кез келген басқа мүлік болуы

мүмкін.

5.5 Қаржыландыру көздері:

- Мүшелердің ақшасы;
- демеушілік көмек;
- ПОНЭН ҚР-дың қолданыстағы заңнамасына сәйкес алатын кредиттер, несиелер, гранттар;

- кез келген қазақстандық және шетелдік азаматтар мен заңды тұлғалардың ерікті қайырмалдықтары;

- ҚР-дың қолданыстағы заңнамасында тыйым салынбаған өзге де қаржылық түсімдер болуы мүмкін.

5.6. ПОНЭН-нің қолданыстағы заңнамада тыйым салынбаған және қызметті жүзеге асыру үшін қажетті кез келген қызмет түрлерімен айналысуға құқығы бар, өйткені бұл мына:

- ешбір шектеусіз жерді, құрылысты, үйді, ғимаратты, жабдықты, бағалы қағаздар мен басқа да мүліктік құқықтарды қоса алғанда, жылжитын және жылжымайтын, материалдық және материалдық емес барлық мүлік түрлерін сатып алу, ие болу, иелену, әзірлеу, құру, жабдықтау, реконструкциялау, енгізу және сату немесе өзгеше түрде иеліктен шығару;

- филиалдар мен өкілдіктер ашу;

- қазақстандық және шетелдік заңды және жеке тұлғалармен, кез келген типтегі мемлекеттік және халықаралық ұйымдармен және өзге де заңды тұлғалармен өзара ынтымақтастық туралы келісімшарттар, келісімдер, мәмілелер және шарттар жасасу;

- өз қызметі туралы ақпарат тарату;

- мемлекеттік органдармен және халықаралық ұйымдармен келісімдер жасаса отырып ынтымақтасу, олар үшін шарттар бойынша заңнамада көзделген белгілі бір жұмыстарды орындау;

- соттар мен басқа да мемлекеттік органдарда, қоғамдық бірлестіктерде және өзге де коммерциялық және коммерциялық емес кәсіпорындарда өз мүшелерінің атынан өкілдік ету және олардың құқықтары мен заңды мүдделерін қорғау;

- ПОНЭН қызметінің мақсаттары мен нысанасына сәйкес шаруашылық жүргізуші субъектілер құру, басқа заңды тұлғаларға қатысушы болу;

- ПОНЭН-нің қызметіне қатысу үшін шетелдік азаматтарды шақыру, визалық және өзге де қолдауды жүзеге асыру құқығын қоса алғанда, бірақ онымен шектелмей, ПОНЭН-нің жарғылық мақсаттарына қайшы келмейді.

5.7 Егер осы Жарғыда айқындалған кез келген қызмет мемлекеттік органдардың рұқсатын немесе лицензиясын алуды талап ететін болса, ПОНЭН-нің бұған тиісті рұқсат немесе лицензия алмай ондай қызметпен айналысуға құқығы жоқ.

5.8 ПОНЭН:

- Қазақстан Республикасының заңнамасын сақтауға, мемлекеттің, сондай-ақ жеке және заңды тұлғалардың мүдделеріне залал келтірмеуге;

- барлық қажетті салықтық аударымдарды жүзеге асыруға міндетті.

6-БАП. МҮШЕЛІК, МҮШЕЛЕРДІҢ ҚҰҚЫҚТАРЫ МЕН МІНДЕТТЕРІ

6.1. Мүшелікке қойылатын талаптарға сай келетін, осы Жарғыны мойындайтын ҚР азаматтары, шетелдік азаматтар мен азаматтығы жоқ адамдар ПОНЭН мүшелері бола алады.

6.2. ПОНЭН мүшелігіне қабылдау оған кіретін адамның жеке өтініші негізінде ПОНЭН Атқару Комитетінің шешімімен жүзеге асырылады. ПОНЭН-нің жаңа мүшелерін сайлау белгіленген үлгідегі сауалнамада толтырылған ақпарат және ПОНЭН-нің кемінде екі мүшесінің ұсынымы негізінде жүзеге асырылады.

6.3. Кіру және мүшелік жарналардың мөлшерлері мен енгізілу шарттары жыл сайын ПОНЭН Атқару Комитетінің шешімімен белгіленеді.

6.4. ПОНЭН мүшесінің:

- Жалпы Жиналыстың делегаты болып және Атқару Комитетінің құрамына сайлауға және сайлануға;

- ПОНЭН мүшелігіне кіруді қалайтын адамдарға ұсынушы ретінде әрекет етуге;

- Жалпы Жиналысқа осы Жарғыны өзгерту, толықтыру жөніндегі, сондай-ақ ПОНЭН-нің қызметін тоқтатуға (қосылу, бірігу, бөліну) бағытталған ұсыныстарды қоса алғанда, оның қызметін жетілдіруге бағытталған ұсыныстар енгізуге;

- өзінің кәсіптік біліктілігі мен мүмкіндіктерін ескере отырып, Хатшылықтың штаттағы қызметкері ретінде, сондай-ақ ПОНЭН-нің кәсіпорындарында, шаруашылық есептегі және өзге де ұйымдарында жұмыс істеуге;

- өз құқықтарын қорғауға көмектесуді және жәрдемдесуді сұрап, сондай-ақ өзінің заңды мүдделерін неғұрлым толық қанағаттандыру үшін практикалық көмек алу мақсатында ПОНЭН-нің басшы органдарына өтініш жасауға құқығы бар.

6.5. ПОНЭН мүшесі:

- ПОНЭН Жалпы Жиналысының және Атқару Комитетінің шешімдерін орындауға;

- ПОНЭН құжаттарында жазылған қағидаларға сәйкес мүшелік жарналарын уақтылы төлеуге;

- ПОНЭН-нің жарғылық мақсаттарын насихаттауға, сондай-ақ Жарғыға сәйкес ПОНЭН өткізетін жалпыға міндетті іс-шараларға қатысуға;

- ПОНЭН-ге кір келтіретін теріс қылықтар жасамауға;

- ПОНЭН-нің жарғылық мақсаттары мен міндеттеріне қол жеткізуге бағытталған нақты жұмысты жүзеге асыруға міндетті.

6.6. ПОНЭН-дегі мүшелік мына жағдайларда тоқтатылуы мүмкін:

- ПОНЭН-дегі мүшелік берілген өтініш негізінде тоқтатылады;

- Осы Жарғының немесе Әдеп кодексінің ережелерін сақтамау.

7-БАП. ПОНЭН ҚҰРЫЛЫМЫ

7.1. ПОНЭН-нің құрылымын ПОНЭН-нің Астана қаласындағы бас ұйымы, сондай-ақ Қазақстан Республикасының аумағында құрылатын және әрекет ететін филиалдар мен өкілдіктер құрайды.

Филиалдар (өкілдіктер) заңды тұлға құқығынсыз құрылады және өздері туралы ереже негізінде әрекет етеді. Филиалға (өкілдікке) оны құрған заңды тұлға мүлік береді.

Филиалдың немесе өкілдіктің бірінші басшысы (директоры) айына 1 рет Атқару Комитетінің алдында есеп береді. Филиал директоры Атқару Комитетінің жиналысында сайланады.

8-БАП. ПОНЭН-нің БАСҚАРУ ОРГАНДАРЫ

8.1 ПОНЭН-нің басқару органдары:

Жоғары орган – Жалпы Жиналыс;

Атқару органы – Атқару Комитеті;

Жұмыс органы – Хатшылық болып табылады.

8.2. ПОНЭН-нің жоғары басқару органы Жалпы Жиналыс болып табылады.

8.2.1. Кезекті Жалпы Жиналысты ПОНЭН-нің Атқару Комитеті кемінде жылына бір рет шақырады.

8.2.2. Хатшылық Жалпы Жиналыс өткізілерден бір ай бұрын ПОНЭН мүшелеріне оның өткізілу күні мен орны, сондай-ақ болжамды күн тәртібі туралы жазбаша хабарлайды.

8.2.3. Кезектен тыс (төтенше) Жалпы Жиналысты Атқару Комитеті шақырады және ол, әдетте, оны шақыру туралы хабарланған күннен бастап бір ай мерзімде өткізіледі.

8.2.4. Жалпы Жиналыстағы өкілдік ету нормасы мен оған делегаттарды сайлау тәртібін ПОНЭН-нің Атқару Комитеті белгілейді.

8.2.5 Жалпы Жиналыстың Төрағасы мен Хатшысы Жалпы Жиналыстың отырысында сайланады.

8.2.6. Жалпы Жиналыстың шешімі, егер оған дауыс берген мүшелердің жартысынан астамы дауыс берсе, қабылданған болып есептеледі.

8.2.7. Дауыс беру жеке өзі жазбаша түрде не электрондық пошта арқылы жүргізіледі.

8.2.8. Жалпы Жиналыстың айрықша құзыретіне:

- ПОНЭН-нің құрылтай құжаттарын қабылдау, оларға өзгерістер мен толықтырулар енгізу;

- ПОНЭН-ді ерікті түрде қайта ұйымдастыру және тарату туралы мәселені шешу;

- ПОНЭН Атқару Комитетінің мүшелерін сайлау;
- ПОНЭН Атқару Комитетінің құзыретін, ұйымдық құрылымын, құрылу және өкілеттігін тоқтату тәртібін айқындау;
- ПОНЭН-нің қаржылық есептілікті ұсыну тәртібі мен кезеңділігін айқындау;
- ПОНЭН-нің басқа заңды тұлғаларды, сондай-ақ өз филиалдары мен өкілдіктерін құруға немесе олардың қызметіне қатысуы туралы шешімді заңнамалық актілерде белгіленген шектерде қабылдау;
- ПОНЭН Атқару Комитеті Төрағасының есептерін тыңдау және бекіту;
- ПОНЭН-нің Жарғысына сәйкес өзге қызмет мәселелерін қарау және шешу жатады.

Жалпы Жиналыстың хаттамасына Жалпы Жиналыстың төрағасы мен хатшысы қол қояды.

8.3. Жалпы Жиналыстардың аралығындағы кезеңде Жалпы Жиналыс 2 жыл мерзімге сайлайтын ПОНЭН-нің Атқару Комитеті ПОНЭН-нің басшы органы болып табылады.

8.3.1. ПОНЭН-нің қызметіне тікелей басшылықты Жалпы Жиналыс 2 жыл мерзімге сайлайтын ПОНЭН Атқару Комитетінің Төрағасы жүзеге асырады.

8.3.2 Атқару Комитеті Төрағасының Жалпы Жиналыс 2 жыл мерзімге сайлайтын екі Орынбасары болады.

8.3.3 Төраға және оның Орынбасарлары туралы ережені, оған қоса лауазымдық міндеттердің жиынтығын, біліктілік талаптарын ПОНЭН Атқару Комитеті ПОНЭН тіркелген кезден бастап бір ай ішінде әзірлейді және оны Жалпы Жиналыс бекітеді.

8.3.4 ПОНЭН Атқару Комитеті Төрағасының және оның Орынбасарларының өкілеттіктерін тоқтату ПОНЭН Жалпы Жиналысы мүшелерінің шешімі бойынша ғана жүзеге асырылады.

8.3.5 Атқару Комитетінің Төрағасы және оның Орынбасарлары, егер оның қызметі құқыққа қарсы сипатта немесе Жарғының ережелеріне қайшы келеді деп белгіленсе, екі жылдық жұмыс істеу кезеңінің кез келген сәтінде Жалпы жиналыстың шешімімен атқаратын лауазымынан мерзімінен бұрын босатылуы мүмкін.

8.4. ПОНЭН-нің Атқару Комитетінің құзыретіне:

- Атқару Комитетінің мүшелері арасында міндеттерді бөлу;
- Жалпы Жиналыс шешімдерінің орындалуына бақылауды жүзеге асыру;
- Атқару Комитеті мүшелерінің өздеріне жүктелген функцияларды орындау туралы есептерін тыңдау;
- қажет болуына қарай Бірлестік жанынан консультативтік және өзге де жұмыс органдарын құру, осы органдар туралы тиісті ережелерді бекіту;

- жалпы басшылықты жүзеге асыру және ПОНЭН-нің құрылымдық бөлімшелерінің қызметін үйлестіру;

- мемлекеттік және сот органдарында, қоғамдық бірлестіктер мен өзге де, оның ішінде халықаралық ұйымдарда ПОНЭН атынан өкілдік ету;

ПОНЭН Жалпы Жиналысының қарауына шығарылатын құжаттардың жобаларын дайындауды ұйымдастыру;

- ПОНЭН-нің мамандары мен техникалық қызметкерлерін лауазымға тағайындау және одан босату:

- қолданыстағы заңнамаға сәйкес Атқару Комитеті аппаратының қызметкерлерін көтермелеу және оларға тәртіптік жазалар қолдану;

- кредиттік-банктік мекемелерде ПОНЭН-нің есеп айырысу және өзге шоттарын ашу және жабу; ПОНЭН-нің барлық қаржылық құжаттарына бухгалтермен бірге қол қою; ПОНЭН-нің мүлкі мен ақшасына билік ету, бұйрықтар мен өкімдер шығару;

- ПОНЭН атынан өндірістік, мүліктік, қаржылық мәселелер жөніндегі шарттарды, келісімдерді жасасу және ПОНЭН-нің Жалпы Жиналысында олардың іске асырылуы туралы есеп беру;

- Атқару Комитетінің төрағасы ПОНЭН-нің жарғылық мақсаттары мен міндеттерін материалдық қамтамасыз етуге бағытталған қаржылық-шаруашылық және өзге де қызметтің жай-күйіне дербес жауапты болады;

- ПОНЭН қызметкерлерінің лауазымдық нұсқаулықтарын бекіту;

- осы Жарғының ережелеріне сәйкес тапсырылуы мүмкін өзге де мәселелерді шешу;

- мемлекеттік органдар мен сот органдарында, қоғамдық бірлестіктерде және басқа да ұйымдарда ПОНЭН мүшелерінің заңды мүдделерін қорғауға бағытталған шараларды іске асыру жатады;

8.4.1 Атқару Комитеті өз қызметін отырыстарында бекітілген ағымдағы және перспективалы жоспарларға сәйкес жүзеге асырады.

8.4.2. Атқару Комитетінің отырысы айына кемінде бір рет өткізіледі. Шешім оның мүшелерінің ашық дауыс беруімен және жай көпшілік даусымен қабылданады.

8.5. ПОНЭН-нің Халықаралық байқаушысы.

8.5.1. Тау-кен өндіру өнеркәсібінде және геологияда халықаралық деңгейде танылған және жер қойнауының тәуелсіз сараптамасы саласында мамандандырылған халықаралық кәсіптік ұйымдардың мүшелері Жалпы Жиналысқа халықаралық байқаушылар ретінде шақырылуы мүмкін.

8.5.2. ПОНЭН-нің Халықаралық байқаушысы ПОНЭН-нің құрылтай құжаттары мен ішкі ережелерін халықаралық стандарттарға сәйкестігі тұрғысында қарайды және осыған ұқсас халықаралық ұйымдарға сәйкес ПОНЭН жұмысының тиімділігін жақсарту жөніндегі басқа ұсыныстарды да бере алады.

8.5.3 Халықарылық байқаушы әзірлеген, ПОНЭН-нің құрылтай құжаттарына жасалған шолудың нәтижелері негізінде бұл құжаттарды Жалпы Жиналыс мақұлдаған және олар Қазақстан Республикасы заңнамасының нормаларына сәйкес келген жағдайда, оларға түзетулер енгізілуі мүмкін;

8.6. ПОНЭН-нің Тәуелсіз аудиторы.

8.6.1. ПОНЭН-нің Тәуелсіз аудиторы ПОНЭН-нің қаржылық қызметіне тексеруді жүзеге асырады, ПОНЭН мүшелерінің Жалпы Жиналысында 2 жыл мерзімге тағайындалады.

8.6.2. Тәуелсіз аудитор өзінің қалауы бойынша кез келген уақытта, бірақ жылына кемінде бір рет ревизия жүргізеді. Жоспардан тыс ревизиялар ПОНЭН мүшелері жалпы санының кемінде үштен бірінің талап етуі бойынша жүргізілуі мүмкін.

8.6.3. Тәуелсіз аудитор қажеттілігіне қарай тиісті құзыретті органдар мамандарының қатысуымен ревизия жүргізуі мүмкін.

8.6.4. Ревизия нәтижелері туралы есепті Тәуелсіз аудитор ПОНЭН-нің Атқару Комитетіне ұсынады.

8.7. ПОНЭН қызметкерлеріне, сондай-ақ ПОНЭН филиалдарының қызметкерлеріне заңда белгіленген тәртіппен Қазақстан Республикасының еңбек туралы, еңбекшілерді әлеуметтік қамсыздандыру және әлеуметтік сақтандыру туралы заңнамасы қолданылады.

8.8 ПОНЭН Хатшылығы

8.8.1 ПОНЭН Хатшылығы ПОНЭН мүшелерінің мүддесінде ұйымдастырушылық іс-шараларды жүзеге асырады. Хатшылық ПОНЭН-нің тұрақты жұмыс органы болып табылады, Атқару Комитеті тағайындайтын қызметкерлерден тұрады.

8.8.2 Хатшылықтың негізгі функциялары:

- ПОНЭН-нің ішкі қағидалары мен құжаттарын әзірлеу және келісу;
- ПОНЭН конференцияларын, Атқару Комитетінің отырыстарын ұйымдастыру және құжаттандыру;
- заңдық және бухгалтерлік қызмет көрсетуді ұйымдастыру;
- ПОНЭН мүшелері мен сарапшыларын ақпараттық қамтамасыз ету және ПОНЭН-нің жарнама материалдарын дайындау;
- ВЕБ-сайтты ұйымдастыру және жаңартып отыру;
- ПОНЭН-нің ақпараттық материалдарын басып шығаруды және таратуды ұйымдастыру;
- тау-кен өндіру өнеркәсібіне қатысы бар техникалық құжаттарды таратуды ұйымдастыру болып табылады.

8.8.3 Функциялар жиынын, қызметкерлерге қойылатын біліктілік талаптарын, қызметкерлерге ақы төлеу шарттарын қоса алғанда, Хатшылық туралы ережені ПОНЭН-нің Атқару Комитеті ПОНЭН тіркелген кезден бастап бір ай ішінде әзірлейді және бекітеді;

9-бап. ПОНЭН ЖАРҒЫСЫНА ӨЗГЕРІСТЕР МЕН ТОЛЫҚТЫРУЛАР ЕНГІЗУ ТӘРТІБІ

9.1. Жарғыға өзгерістер мен толықтырулар енгізу ПОНЭН Жалпы Жиналысының айрықша құзыретіне жатады.

Жарғыға енгізілетін өзгерістер, толықтырулар, егер оларға Жалпы Жиналыстың дауыс беретін мүшелерінің жартысынан көп дауысы берілетін болса, қабылданды деп есептеледі. Дауыс беру нысанын Жалпы Жиналыс өткізілгенге дейін бір ай бұрын Жалпы Жиналыс белгілейді.

9.2. ПОНЭН-нің әрбір мүшесінің Жарғыны өзгерту, толықтыру туралы ұсыныстарды ПОНЭН-нің Атқару комитетіне өтініш жасау арқылы Жалпы Жиналысқа шығаруға құқығы бар.

9.3. Жарғыны жаңартуға сұрау салулардың алынуына қарай Атқару Комитеті мәселені ұсыныстар келіп түскен күннен бастап бір ай мерзімде қарайды және ПОНЭН Жалпы Жиналысының қарауына шығарады.

9.4. ПОНЭН Жарғысының атауы өзгерген жағдайда, ол қайта тіркелуге жатады.

9.5. ПОНЭН Жалпы Жиналысы осы Жарғыға енгізген өзгерістер мен толықтырулар Қазақстан Республикасының заңнамасында белгіленген тәртіппен ескеріледі және тіркеледі.

10-бап. ПОНЭН-ДІ ҚАЙТА ҰЙЫМДАСТЫРУ ЖӘНЕ ТАРАТУ ТӘРТІБІ

10.1. ПОНЭН Жалпы Жиналыстың шешімі бойынша не ҚР заңнамасында көзделген жағдайларда сот шешімімен қайта ұйымдастырылуы және (немесе) оның қызметі тоқтатылуы мүмкін.

10.2. ПОНЭН қызметін қайта ұйымдастыру және тоқтату тәртібі Қазақстан Республикасының қолданыстағы заңнамасында реттеледі.

Қайта ұйымдастыру немесе тарату туралы шешім, егер оған дауыс беретін мүшелердің жартысынан көп дауысы берілсе, қабылданды деп есептеледі. Дауыс беру рәсімін Жалпы Жиналыс айқындайды.

10.3. ПОНЭН қайта ұйымдастыру немесе тарату процесінде өз істерін тиісінше аяқтау, кредиторлардың талаптарын қанағаттандыру және өз активтерін жою мақсатында жұмысын жалғастырады.

10.4. ПОНЭН тартылғаннан және қайта ұйымдастырылғаннан кейін қалған мүлік Жалпы Жиналыстың шешімі бойынша ПОНЭН құқық мирасқорының меншігіне өтіп, оған мүліктік құқықтар мен соңғысының міндеттері беріледі.

10.5. ПОНЭН қайта ұйымдастырылғаннан кейін құқық мирасқорының Жарғысын тіркеу Қазақстан Республикасының заңнамасында белгіленген тәртіппен жүзеге асырылады.

10.6. ПОНЭН әрекет етуі тоқтатылған жағдайда оның қалған мүлкі барлық кредиторларының талаптары қанағаттандырылғаннан кейін осы Жарғыда бекітіп берілген мақсаттарға сәйкес жарғылық мақсаттарға пайдаланылады.

10.7. ПОНЭН Әділет департаментінің заңды тұлғалардың мемлекеттік тізіліміне тиісті жазба енгізілген күннен бастап таратылды деп есептеледі.

11-бап. ПОНЭН-НІҢ ХАЛЫҚАРАЛЫҚ БАЙЛАНЫСТАРЫ

11.1 ПОНЭН осы Жарғыда бекітіп берілген мақсаттар мен міндеттерге сәйкес:

- тікелей халықаралық қарым-қатынастар мен байланысты қолдауы, кез келген меншік нысанындағы, басқа да мемлекеттердің қоғамдық (үкіметтік емес) және коммерциялық ұйымдарымен келісімдер жасасуы.

- егер олардың қызметі Қазақстан Республикасының халықаралық, мемлекетаралық (үкіметаралық) міндеттемелеріне қайшы келмесе, халықаралық қоғамдық (үкіметтік емес) ПОНЭН-да сөз сөйлеуі мүмкін.

12-бап. ҚОСЫМША ЕРЕЖЕЛЕР

12.1. Барлық реттелмеген мәселелер Қазақстан Республикасының қолданыстағы заңнамасына сәйкес шешіледі.

12.2. Осы Жарғыға барлық өзгерістер мен толықтырулар жазбаша нысанда жасалып, Жалпы Жиналыста қаралуға тиіс.

12.3. ПОНЭН-нің қаржы жылы күнтізбелік жылға сәйкес келеді.